

*Die Künigin*  
Kunckfrauen giengen für  
Vnd schluffen nach in zu die tür  
Do pflag die küniginne  
Einer werden nützer minne  
Vnd gamuret ir hertze traut  
Vngleich was doch ir baiden haut  
**D**ie brachten opfers vil irn götten  
Die von der stat was gebotten  
Dem künen razzalige  
Do er schiet von dem wige  
Das laster durch treuwe  
Doch was sein iamer neuwe  
Nach seinem herren ysenhart  
Do der burckgrafe des innen wart  
Das er kam das wart ein schal  
Dar kamen die fürsten über al  
Der küniginne von zazamanc  
Vnd sagten im seins preises danc  
Den hette er eine also bezalt  
Zu rechter tyost hat er gewalt  
Zwene vnd zwentzig ritter nider  
Vnd zoch ir roß almeistic wider  
Do warn gefangner fürsten drei  
Den reit vil manger ritter bei  
Zu hofe auff den palas  
Beschlossen vnd enbissen was  
Vnd wunniglich gefeitet  
Mit cleidern wol bereitet  
Was des höchten weibes leib  
Die ee hieß magt die hieß nun weib  
Sy fürte in für an ir hand  
Sy sprach mein leib vñ mein land  
Ist disem ritter vndertan  
Ob ims die veinde wöllen lan  
**D**o ward geuolget gamuret  
Einer hübschlichen bet  
Get her naber mein herre razzalick  
Trettet an der selben strick  
Küssen solt ir mein weib  
Die mir ist also der leib

Same thüt ir herre gatschier  
Hütiger den regen fier  
Bat er sy küssen an den munt  
Er was vō seiner tyost wo zōē wunt  
Er bat sy alle sitzen  
All stonbe sprach er mit witzzen  
Ich sehe gerne den neuen mein  
Möchte es wol mit semē buldē sein  
Der in hie gefangen hat  
Ich han es von sippe enkeimen rat  
Ich müße in ledig machen  
Die künigin begunde lachen  
Sy hieß balde nach im sprzingen  
Dozt her begund er dzingen  
Der minnigliche beakunt  
Er was von ritterschafft wune  
Vnd het es do vil güt getan  
Gatschier der nozman  
Bracht in er was kurtoys *göseling*  
Sein vatter was ein frantzoy  
Er was kyeletes Schwester barn  
In weibes dienst was er geuarn  
Er hieß kilriatag  
Aller manne schöne er widerwag  
**D**o in gamuret erfach  
Ir anlütz der sippe iach  
Die warn emander vil gleich  
Er bat die küniginne reich  
In küssen vnd vaben zu ir  
Er sprach nun gang auch her zu mir  
Der wirt in selber kuste do  
Sy warn emander zu lebende fro  
Gamuret sprach aber san  
Owe iunger süßer man  
Was wolte her dem krancker leib  
Sage an gebot dir das ein weib  
Er sprach nein es nicht  
Was so anders mir geschichte  
So gebietet herre noch wenig mir  
Mich hat mein vetter gatschir

*Die Künigin*

*Carls*